



গণপ্রজাতন্ত্রী বাংলাদেশ সরকার  
স্বরাষ্ট্র মন্ত্রণালয়

ভিসা নীতিমালা-২০০৬

(২০০৭ সনের ডিসেম্বর পর্যন্ত সংশোধিত)

গণপ্রজাতন্ত্রী বাংলাদেশ সরকার  
স্বরাষ্ট্র মন্ত্রণালয়  
বহিরাগমন শাখা-২

ভিসা নীতিমালা (সংশোধিত)

- সূত্রঃ ক)-স্বঃমঃ(বহি-২)/পি-৭/২০০৬/২৮৭৯, তারিখ-১৯ অক্টোবর ২০০৬  
খ) স্বঃমঃ(বহি-২)/পি-৭/২০০৬/৫১২, তারিখ-০৪ এপ্রিল ২০০৭  
গ) স্বঃমঃ(বহি-২)/পি-৭/২০০৬/১৪৩৬, তারিখ-১৯ আগস্ট ২০০৭  
ঘ) স্বঃমঃ(বহি-২)/জি-কোরিয়া-২০/২০০৬/১৭৯৮, তারিখ-০১ ডিসেম্বর ২০০৭

উপর্যুক্ত সূত্রসমূহের আলোকে জারীকৃত ভিসা নীতিমালার কতিপয় ভিসা শ্রেণীর বিধি-বিধান ও শর্তাবলীর সংশ্লিষ্ট অংশ নিম্নরূপভাবে সংশোধন, সংযোজন ও পরিবর্তন করা হ'লঃ

ক্রঃ নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
১	A	রাষ্ট্র প্রধান/ সরকার প্রধান / মন্ত্রী / প্রতিমন্ত্রী/ উপমন্ত্রী/ সংসদ সদস্য / আঞ্চলিক পরিষদ সদস্য / মেয়র / এবং সমপদমর্যাদা সম্পন্ন ব্যক্তি এবং সফরসঙ্গী Spouse ও পরিবারের নির্ভরশীল অন্যান্য সদস্য।	সরকারী/দাপ্তরিক দায়িত্ব পালন (Official duty)	Note Verbale এর ভিত্তিতে কূটনৈতিক শিষ্টাচার অনুসরণপূর্বক সংশ্লিষ্ট ভিসা প্রদানকারী কর্তৃপক্ষ প্রয়োজনীয় মেয়াদের জন্য প্রযোজ্য ভ্রমণ সুবিধাসহ ভিসা প্রদান করিতে পারিবে।
২	A1	সরকারী / আধা সরকারী/ স্বায়ত্বশাসিত সংস্থার কর্মকর্তা/ সরকারী প্রতিনিধি দলের সদস্য এবং সফরসঙ্গী Spouse ও নির্ভরশীল সন্তান।	সরকারী/ দাপ্তরিক দায়িত্ব পালন (Official duty)	(ক) Note Verbale /ভ্রমণের উদ্দেশ্য সংশ্লিষ্ট কাগজপত্র পরীক্ষান্তে ভিসা প্রদানকারী কর্তৃপক্ষ প্রযোজ্য ভ্রমণ সুবিধা উল্লেখপূর্বক প্রয়োজনীয় মেয়াদের জন্য ভিসা প্রদান করতে পারিবে। (খ) ভিসার মেয়াদ বৃদ্ধির প্রয়োজন হইলে সংশ্লিষ্ট মন্ত্রণালয়/আয়োজক সংস্থার সুপারিশের ভিত্তিতে বহিরাগমন ও পাসপোর্ট অধিদপ্তর প্রয়োজনীয় মেয়াদে ভিসার মেয়াদ বৃদ্ধি করিতে পারিবে।
৩	A2	জাতিসংঘ ও তার অংগসংগঠন, আন্তর্জাতিক/আঞ্চলিক সংস্থা/ অফিসে নিয়োজিত কর্মকর্তা ও কর্মচারী।	চাকুরী/ দাপ্তরিক দায়িত্ব পালন	(ক) সংশ্লিষ্ট সংস্থার সুপারিশ ও আন্তর্জাতিক কনভেনশন অনুসারে ভিসা প্রদানকারী কর্তৃপক্ষ বহুভ্রমণ সুবিধায় চাকুরীর পূর্ণকালীন মেয়াদে অথবা সর্বোচ্চ ৫ (পাঁচ) বৎসর, যাহা কম হইবে, ভিসা প্রদান করিতে পারিবে। (খ) ভিসার মেয়াদ বৃদ্ধির প্রয়োজন হইলে সংশ্লিষ্ট মন্ত্রণালয়/ বিভাগ/ সংস্থার সুপারিশ ও আন্তর্জাতিক

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
				কনভেনশনে বর্ণিত শর্তাবলী অনুসারে বহিরাগমন ও পাসপোর্ট অধিদপ্তর বহুভ্রমণসহ নিয়োগের পূর্ণকালীন মেয়াদে বা সর্বোচ্চ ৫(পাঁচ) বৎসর, যা কম হইবে, ভিসার মেয়াদ বৃদ্ধি করিতে পারিবে। এই ক্ষেত্রে এসবি'তে রিপোর্ট / রেজিস্ট্রেশন করা ও নিরাপত্তা ছাড়পত্র গ্রহণের শর্তটি প্রযোজ্য হইবে না।
৪	FA2	A2 শ্রেণীতে আগতের Spouse ও পরিবারের নির্ভরশীল অন্যান্য সদস্য	A2 শ্রেণীতে আগতের সফরসঙ্গী হইলে বা পরবর্তীতে আগমন করিলে	(ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ A-2 শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির প্রয়োজন হইলে সংশ্লিষ্ট সংস্থার সুপারিশের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ A-2 শ্রেণীতে আগতের সমমেয়াদে ভিসার মেয়াদ বৃদ্ধি করিতে পারবে।
৫	A3	বাংলাদেশ সরকারের সাথে উন্নয়ন সহযোগী সংস্থার মধ্যে সম্পাদিত দ্বি-পাক্ষিক/ বহুপাক্ষিক চুক্তির আওতায় প্রকল্পে নিয়োজিত বিশেষজ্ঞ/ পরামর্শক/ কর্মকর্তা-কর্মচারী/ শ্রমিক	চাকুরী/ দাপ্তরিক দায়িত্ব পালন	ক) বাংলাদেশ দূতাবাস বা মিশন সংশ্লিষ্ট মন্ত্রণালয়/অর্থনৈতি সম্পর্ক বিভাগ/ সরকারী সংস্থার সুপারিশের ভিত্তিতে বহুভ্রমণ সুবিধায় চাকুরীর পূর্ণকালীন মেয়াদে অথবা সর্বোচ্চ ৫ (পাঁচ) বৎসর, যা কম হইবে, ভিসা প্রদান করিতে পারিবে। খ) ভিসার মেয়াদ বৃদ্ধির প্রয়োজন হইলে সংশ্লিষ্ট মন্ত্রণালয়/ অর্থনৈতি সম্পর্ক বিভাগ/ সরকারী সংস্থার সুপারিশ, নিরাপত্তা ছাড়পত্র এবং সংস্থার সাথে সম্পাদিত চুক্তির শর্তানুযায়ী বহিরাগমন ও পাসপোর্ট অধিদপ্তর বহুভ্রমণসহ নিয়োগের পূর্ণকালীন মেয়াদে বা সর্বোচ্চ ৫(পাঁচ) বৎসর, যা কম হইবে, ভিসার মেয়াদ বৃদ্ধি করিতে পারিবে।
৬	FA3	A-3 শ্রেণীতে আগতের Spouse ও পরিবারের নির্ভরশীল অন্যান্য সদস্য	A3 শ্রেণীতে আগতের সফরসঙ্গী হইলে বা পরবর্তীতে আগমন করিলে	(ক) বাংলাদেশ দূতাবাস বা মিশন সংশ্লিষ্ট মন্ত্রণালয়/ বিভাগ/ সংস্থার সুপারিশের ভিত্তিতে A3 শ্রেণীতে আগতের সমমেয়াদে ভিসা প্রদান করিবে। (খ) ভিসার মেয়াদ বৃদ্ধির প্রয়োজন হইলে সংশ্লিষ্ট মন্ত্রণালয়/ বিভাগ/ সংস্থার সুপারিশ, পুলিশ বিশেষ শাখার অনুকূল প্রতিবেদন এবং সংস্থার সাথে সম্পাদিত চুক্তির শর্তানুযায়ী বহিরাগমন ও পাসপোর্ট অধিদপ্তর A3 শ্রেণীতে আগতের সমমেয়াদে ভিসা প্রদান করিবে।

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
৭	<b>B</b>	ব্যবসায়ী/ ব্যবসায়ী প্রতিনিধি	ব্যবসা-বাণিজ্য	<p>(ক) বিনিয়োগের সম্ভাব্যতা যাচাই/ ব্যবসা-বাণিজ্যের প্রয়োজনে আগমনকারীর অনুকূলে সংশ্লিষ্ট দেশের স্বীকৃত(Recognized) ব্যবসায়ী সমিতি কর্তৃক প্রদত্ত প্রত্যয়নপত্র অথবা বাংলাদেশে অবস্থিত স্থানীয় স্পন্সরের সুপারিশ ও তার ব্যবসা প্রতিষ্ঠানের যথার্থতা ইত্যাদি বিবেচনা করিয়া প্রকৃত ব্যবসায়ী মর্মে সন্তুষ্ট হইয়া ভিসা প্রদানকারী কর্তৃপক্ষ প্রয়োজনীয় সংখ্যক ভ্রমণ সুবিধাসহ সর্বোচ্চ ০৬ (ছয়) মাসের ভিসা প্রদান করিতে পারিবে।</p> <p>(খ) ভিসার মেয়াদ বৃদ্ধির প্রয়োজন হইলে বহিরাগমন ও পাসপোর্ট অধিদপ্তর স্থানীয় স্পন্সরের সুপারিশ ও অনুকূল পুলিশ পতিবেদনের ভিত্তিতে প্রয়োজনীয় সংখ্যক ভ্রমণ সুবিধাসহ ০৬ (ছয়) মাসের অবস্থান শর্তে ৩ (তিন) বছর মেয়াদে ভিসা বৃদ্ধি করিতে পারিবে। তবে এই শ্রেণীতে আগতদের প্রার্থীত ভিসার মেয়াদ আগমনের তারিখ হইতে ০৬ (ছয়) মাস বা তাহার কম হইলে পুলিশ পতিবেদনের প্রয়োজন হইবে না।</p> <p>ব্যবসা-বাণিজ্য সংক্রান্ত কাজে একাধিকবার বাংলাদেশে আগমন করিলে এবং যথাযথ নিয়মকানুন মোতাবেক ব্যবসা/ বাণিজ্যের কাজ সম্পাদন করিয়াছেন মর্মে প্রমানপত্র/ প্রত্যয়নপত্র থাকিলে তাহা লিপিবদ্ধ করতঃ একই শর্তে ০৫(পাঁচ) বৎসর পর্যন্ত ভিসার মেয়াদ বৃদ্ধি করা যাইবে।</p>
৮	<b>C</b>	বিমান/জাহাজ/অন্যান্য পরিবহন খাতে নিয়োজিত আন্তর্জাতিক রুটে চলাচলকারী ক্রু	পেশাগত দায়িত্ব পালন	<p>(ক) নিয়োগকারী কর্তৃপক্ষের সুপারিশের ভিত্তিতে সংশ্লিষ্ট ভিসা প্রদানকারী কর্তৃপক্ষ বহুভ্রমণ সুবিধাসহ সর্বোচ্চ ৩ (তিন) বৎসরের ভিসা প্রদান করিতে পারিবে। জাহাজের ক্রুদের ক্ষেত্রে প্রতি দফায় সর্বোচ্চ ১ ( এক ) মাস ও অন্যান্য ক্ষেত্রে ক্রুদের প্রতিদফায় সর্বোচ্চ ৭ (সাত) দিন অবস্থানের শর্ত প্রযোজ্য থাকিবে।</p> <p>(খ) ভিসার মেয়াদ বৃদ্ধির প্রয়োজন হইলে যথাযথ কর্তৃপক্ষের সুপারিশের ভিত্তিতে প্রয়োজন অনুসারে বহিরাগমন ও পাসপোর্ট অধিদপ্তর একই শর্তে আরও তিন বছর পর্যন্ত বহুভ্রমণ সুবিধায় ভিসার মেয়াদ বৃদ্ধি করিতে পারিবে।</p>
৯	<b>D</b>	রাষ্ট্রদূত/কূটনীতিক/ কনস্যুলার অফিসার এবং সমমর্যাদা সম্পন্ন কর্মকর্তা এবং তাঁদের Spouse ও পরিবারের নির্ভরশীল অন্যান্য সদস্য।	দাপ্তরিক দায়িত্ব পালন	Note Verbale এর ভিত্তিতে কূটনৈতিক শিষ্টাচার অনুসরণপূর্বক সংশ্লিষ্ট ভিসা প্রদানকারী কর্তৃপক্ষ প্রয়োজনীয় মেয়াদের জন্য প্রয়োজ্য ভ্রমণ সুবিধাসহ ভিসা প্রদান করিতে পারিবে। ভিসার মেয়াদ বৃদ্ধির প্রয়োজন হইলে পররাষ্ট্র মন্ত্রণালয়/ বহিরাগমন ও পাসপোর্ট অধিদপ্তর বহুভ্রমণ সুবিধায় প্রয়োজনীয় মেয়াদে ভিসা বৃদ্ধি করিতে পারিবে।

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
১০	ND	A, A2 এবং D শ্রেণীভুক্তদের ব্যক্তিগত স্টাফ এবং Non-diplomatic staff এবং তাদের Spouse ও পরিবারের নির্ভরশীল অন্যান্য সদস্য	A, A2 এবং D শ্রেণীতে আগতের সফরসংগী হইলে বা পরবর্তীতে আগমন করিলে	ক) Note Verbale /ভ্রমণের উদ্দেশ্য সংশ্লিষ্ট কাগজপত্র পরীক্ষান্তে এবং প্রযোজ্য ক্ষেত্রে কূটনৈতিক শিষ্টাচার অনুসরণপূর্বক সংশ্লিষ্ট ভিসা প্রদানকারী কর্তৃপক্ষ প্রযোজ্য ভ্রমণ সুবিধাসহ প্রয়োজনীয় মেয়াদের জন্য ভিসা প্রদান করিতে পারিবে। (খ) ভিসার মেয়াদ বৃদ্ধির প্রয়োজন হইলে সংশ্লিষ্ট দূতাবাস পররাষ্ট্র মন্ত্রণালয়ের মাধ্যমে বহিরাগমন ও পাসপোর্ট অধিদপ্তরে আবেদন করিতে হইবে এবং পাসপোর্ট অধিদপ্তর বহুভ্রমণ সুবিধায় প্রয়োজনীয় মেয়াদে ভিসা বৃদ্ধি করিতে পারিবে।
১১	DA	A, A2 এবং D শ্রেণীতে আগতের Domestic aid	A, A2 এবং D শ্রেণীতে আগতের সফরসংগী হইলে বা পরবর্তীতে আগমন করিলে	ক) Note Verbale /ভ্রমণের উদ্দেশ্য সংশ্লিষ্ট কাগজপত্র পরীক্ষান্তে এবং প্রযোজ্য ক্ষেত্রে কূটনৈতিক শিষ্টাচার অনুসরণপূর্বক সংশ্লিষ্ট ভিসা প্রদানকারী কর্তৃপক্ষ প্রযোজ্য ভ্রমণ সুবিধা উল্লেখপূর্বক প্রয়োজনীয় মেয়াদের জন্য ভিসা প্রদান করিতে পারিবে। (খ) ভিসার মেয়াদ বৃদ্ধির প্রয়োজন হইলে সংশ্লিষ্ট দূতাবাস পররাষ্ট্র মন্ত্রণালয়ের মাধ্যমে বহিরাগমন ও পাসপোর্ট অধিদপ্তরে আবেদন করিতে হইবে এবং পাসপোর্ট অধিদপ্তর বহুভ্রমণ সুবিধায় প্রয়োজনীয় মেয়াদে ভিসা বৃদ্ধি করিতে পারিবে।
১২	E	ক) সরকারী / আধাসরকারী/ স্বায়ত্বশাসিত প্রতিষ্ঠানে/ প্রকল্পে এবং সমশ্রেণীর প্রতিষ্ঠানে নিয়োজিত বিশেষজ্ঞ/ পরামর্শক/ চাকুরিজীবী / ব্যক্তি  (খ) দেশী/ বিদেশী সরকারী/ বেসরকারী/ লিয়াঁজো / শিল্প/ বাণিজ্যিক প্রতিষ্ঠান এবং সমশ্রেণীর প্রতিষ্ঠানে নিয়োগপ্রাপ্ত/ নিয়োজিত চাকুরিজীবী /ব্যক্তি  (গ) দেশী/ বিদেশী সরকারী/ বেসরকারী ঠিকাদারী এবং সমশ্রেণীর প্রতিষ্ঠানে নিয়োজিত চাকুরিজীবী / ব্যক্তি	চাকুরি / সেবা প্রদান	(ক) প্রতিটি ক্ষেত্রে সংশ্লিষ্ট প্রতিষ্ঠানে যথাযথভাবে নিয়োগ দেওয়া হইয়াছে মর্মে মন্ত্রণালয়/ বিনিয়োগ বোর্ড/ বেপজা কর্তৃক প্রত্যয়নপত্র, নিয়োগপত্র এবং নিয়োগকারী প্রতিষ্ঠানের যথার্থতা ইত্যাদি পরীক্ষান্তে সংশ্লিষ্ট ভিসা প্রদানকারী কর্তৃপক্ষ বহুভ্রমণ সুবিধাসহ সর্বোচ্চ ৩ (তিন) মাসের ভিসা প্রদান করিতে পারিবে। E-শ্রেণীর ভিসার জন্য সংশ্লিষ্ট মন্ত্রণালয়/ অর্থনৈতিক সম্পর্ক বিভাগ/ বিনিয়োগ বোর্ড/ বেপজা কর্তৃক ইস্যুকৃত প্রত্যয়ন পত্র থাকিলে স্বরাষ্ট্র মন্ত্রণালয়ের অনুমতির প্রয়োজন হইবে না। (খ) ভিসার মেয়াদ বৃদ্ধির ক্ষেত্রে নিয়োগকারী প্রতিষ্ঠানের সুপারিশ, সংশ্লিষ্ট কর্তৃপক্ষের কার্যানুমতি ও নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ কার্যানুমতির পূর্ণকালীন মেয়াদে বৃদ্ধি করিতে পারিবে। দ্বিতীয় দফায় ভিসার মেয়াদ বৃদ্ধির আবেদন করিলে সন্তোষজনক আবেদনের ভিত্তিতে বহিরাগমন ও পাসপোর্ট অধিদপ্তর বহু ভ্রমণসহ কার্যানুমতি পূর্ণকালীন মেয়াদে অথবা ০৩(তিন) বৎসর, যাহা কম হইবে, ভিসার মেয়াদ বৃদ্ধি করিতে পারিবে। (গ) ভিসার মেয়াদ বৃদ্ধিও ক্ষেত্রে একই পেশায় তিন বছরের অধিক সময়ে কর্মরত থাকিবার কারণে সংশ্লিষ্ট সংস্থা কর্তৃক কার্যানুমতি নবায়ন করা হইলে স্বরাষ্ট্র মন্ত্রণালয়ের অনুমতির প্রয়োজন হইবে না। বেপজা/বিনিয়োগ বোর্ড/ এনজিও বিষয়ক ব্যুরো কার্যানুমতি নবায়নের সময় একই পেশায় চাকুরী করিবার উপযুক্ততা, কর্মদক্ষতা, নিরাপত্তা ছাড়পত্র, আয়কর পরিশোধ সম্পর্কিত

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
১৩	FE	E শ্রেণীতে আগতের Spouse ও পরিবারের নির্ভরশীল অন্যান্য সদস্য	E শ্রেণীতে আগতের সফরসঙ্গী হইলে বা পরবর্তীতে আগমন করিলে	ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ উক্ত শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ উক্ত শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
১৪	E1	যন্ত্রপাতি এবং সফটওয়্যার সরবরাহ / স্থাপন / রক্ষণাবেক্ষণ/ তত্ত্বাবধান /প্রকল্প পরিদর্শন এবং এ জাতীয় কাজে আগত ব্যক্তি	যন্ত্রপাতি এবং সফটওয়্যার সরবরাহ / স্থাপন / রক্ষণাবেক্ষণ/ প্রশিক্ষণ/ তত্ত্বাবধান /প্রকল্প পরিদর্শন ইত্যাদি	(ক) আমন্ত্রনকারী/ আমদানীকারক প্রতিষ্ঠানে যন্ত্রপাতি/ সফটওয়্যার স্থাপনের জন্য বর্ণিত বিদেশী ব্যক্তিদের আগমন প্রয়োজন মর্মে BOI/ BEPZA/ সংশ্লিষ্ট মন্ত্রণালয় /বিভাগ /সংস্থা এর সুপারিশ, স্থানীয় স্পন্সরের আমন্ত্রনপত্র, আমন্ত্রনকারী/ আমদানীকারক প্রতিষ্ঠানের যথার্থতা, প্রেরণকারী/সরবরাহকারী প্রতিষ্ঠানের চুক্তিপত্র, ইত্যাদি বিবেচনা করিয়া ভিসা প্রদানকারী কর্তৃপক্ষ নির্দিষ্ট সংখ্যক ভ্রমণসহ সর্বোচ্চ ৩ (তিন) মাসের ভিসা প্রদান করিতে পারিবে। (খ) যন্ত্রপাতি সরবরাহকারী প্রতিষ্ঠানের সাথে সম্পাদিত চুক্তিনামা, স্থানীয় স্পন্সরের সুপারিশ ও পুলিশ প্রতিবেদনের ভিত্তিতে বহিরাগমন ও পাসপোর্ট অধিদপ্তর ০১ (এক) মাস পর্যন্ত ভিসার মেয়াদ বৃদ্ধি করিতে পারিবে। তবে এর অতিরিক্ত সময়ের জন্য ভিসার মেয়াদ বৃদ্ধি করিতে হইলে কার্যানুমতির প্রয়োজন হইবে এবং বহিরাগমন ও পাসপোর্ট অধিদপ্তর কার্যানুমতির মেয়াদকাল পর্যন্ত ভিসার মেয়াদ বৃদ্ধি করিতে পারিবে।
১৫	J	বিদেশী পত্রিকা / সংবাদপত্র/ বেতার/ টিভি/ বার্তা সংস্থা/ স্যাটেলাইট মিডিয়া ইত্যাদিতে আগত সাংবাদিক/মিডিয়া প্রতিনিধি/ বা ফ্রি ল্যান্স সাংবাদিক প্রভৃতি	পেশাগত দায়িত্ব পালন	(ক) এককালীন স্বল্পমেয়াদে বিশেষ কোন দায়িত্ব পালনের উদ্দেশ্যে আগমনেচ্ছু বিদেশী পত্রিকা বা মিডিয়ার প্রতিনিধি বা সাংবাদিকদেও ক্ষেত্রে সংশ্লিষ্ট ভিসা প্রদানকারী কর্তৃপক্ষ পররাষ্ট্র মন্ত্রণালয়ের বহিঃপ্রচার অনুবিভাগ এর অনাপত্তি সাপেক্ষে সংশ্লিষ্ট ব্যক্তিকে সর্বোচ্চ ১ (এক) মাসের ভিসা প্রদান করিতে পারিবে। (খ) বার্তা সংস্থা/স্যাটেলাইট মিডিয়া/পত্রিকা ইত্যাদিতে চাকুরির ক্ষেত্রে নিয়োগ/পদায়ন সংক্রান্ত কাগজপত্রাদি পরীক্ষান্তে এবং পররাষ্ট্র মন্ত্রণালয়ের বহিঃপ্রচার অনুবিভাগ এর সুপারিশক্রমে সংশ্লিষ্ট বাংলাদেশ দূতাবাস/ মিশন ৩ (তিন) টি ভ্রমণ সুবিধায় সর্বোচ্চ ৩ (তিন) মাসের ভিসা প্রদান করিতে পারিবে। (গ) এরূপ ভিসার মেয়াদ বৃদ্ধির ক্ষেত্রে পররাষ্ট্র মন্ত্রণালয়ের বহিঃপ্রচার অনুবিভাগ এর সুপারিশ, BOI এর কার্যানুমতি ও স্বরাষ্ট্র মন্ত্রণালয় হইতে নিরাপত্তা ছাড়পত্র গ্রহণ সাপেক্ষে কার্যানুমতির মেয়াদ অথবা ০৩ (তিন) বছর, যাহা কম হইবে, বহুভ্রমণ সুবিধায় বহিরাগমন ও পাসপোর্ট অধিদপ্তর ভিসার মেয়াদ বৃদ্ধি করিতে পারিবে।

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
১৬	<b>FJ</b>	<b>J</b> শ্রেণীতে আগতের Spouse ও পরিবারের নির্ভরশীল অন্যান্য সদস্য	<b>J</b> শ্রেণীতে আগতের সফরসঙ্গী হইলে বা পরবর্তীতে আগমন করলে	(ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ <b>J</b> শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ <b>J</b> শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
১৭	<b>M</b>	মিশনারীবৃন্দ /ধর্মগুরু	সেবাপ্রদান	(ক) বাংলাদেশস্থ সংশ্লিষ্ট ধর্মীয় মিশন/ প্রতিষ্ঠান প্রদত্ত সুপারিশ/ নিয়োগ পত্র ও ধর্ম বিষয়ক মন্ত্রণালয়ের সম্মতি সাপেক্ষে সংশ্লিষ্ট ভিসা প্রদানকারী কর্তৃপক্ষ বহুভ্রমণ সুবিধায় সর্বোচ্চ ০৬ (ছয়) মাসের ভিসা প্রদান করতে পারবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট ধর্মীয় মিশন/ প্রতিষ্ঠান প্রদত্ত সুপারিশ, ধর্ম বিষয়ক মন্ত্রণালয়ের সম্মতি এবং নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর প্রতি দফায় ১ (এক) বছরের বহু ভ্রমণ সুবিধাসহ ভিসার মেয়াদ বৃদ্ধি করতে পারবে। তবে ভিসার মেয়াদ বৃদ্ধির ক্ষেত্রে কার্যনিমিত্তির প্রয়োজন হবে না।
১৮	<b>FM</b>	<b>M</b> শ্রেণীতে আগতের Spouse ও পরিবারের নির্ভরশীল অন্যান্য সদস্য	<b>M</b> শ্রেণীতে আগতের সফরসঙ্গী হইলে বা পরবর্তীতে আগমন করিলে	(ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ উক্ত শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ উক্ত শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
১৯	<b>N</b>	নিবন্ধনভুক্ত এনজিও -তে নিয়োগপ্রাপ্ত ব্যক্তি	চাকুরি/সেবা প্রদান	(ক) সংশ্লিষ্ট এনজিওতে নিয়োগ সংক্রান্তে এনজিও বিষয়ক ব্যুরো কর্তৃক সংশ্লিষ্ট এনজিও-তে যথাযথভাবে নিয়োগ দেওয়া হইয়াছে মর্মে প্রত্যয়নপত্র, নিয়োগপত্র, ইত্যাদি পরীক্ষান্তে সংশ্লিষ্ট ভিসা প্রদানকারী কর্তৃপক্ষ বহু ভ্রমণ সুবিধাসহ প্রাথমিকভাবে সর্বোচ্চ ৩ (তিন) মাসের ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে NGO ব্যুরোর কার্যনিমিত্তি ও নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর কার্যনিমিত্তির মেয়াদকাল পর্যন্ত বহুভ্রমণসহ ভিসার মেয়াদ বৃদ্ধি করিতে পারিবে।
২০	<b>FN</b>	<b>N</b> শ্রেণীতে আগতের Spouse ও পরিবারের নির্ভরশীল অন্যান্য সদস্য	<b>N</b> শ্রেণীতে আগতের সফরসঙ্গী হইলে বা পরবর্তীতে আগমন করিলে	ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ উক্ত শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ উক্ত শ্রেণীতে আগতের

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
				সমমেয়াদে ভিসার মেয়াদ বৃদ্ধি করিতে পারিবে।
২১	<b>P</b>	ক্রীড়া সংগঠক/ খেলোয়াড় /কোচ/ সাংস্কৃতিক দলের সদস্য/ শিল্পী/ সাহিত্যিক এবং সমপর্যায়ভুক্ত ব্যক্তি	পেশাগত দায়িত্ব পালন / চাকুরি	(ক) সংশ্লিষ্ট প্রতিষ্ঠানের সুপারিশ ও সংশ্লিষ্ট মন্ত্রণালয়ের সম্মতির ভিত্তিতে ভিসা প্রদানকারী কর্তৃপক্ষ বহু ভ্রমণ সুবিধায় সর্বোচ্চ ০৬ (ছয়) মাসের ভিসা প্রদান করতে পারবে। (খ) ভিসার মেয়াদ বৃদ্ধির ক্ষেত্রে কার্যনুমতি ও নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর বহুভ্রমণ সুবিধায় কার্যনুমতির মেয়াদকাল অথবা সর্বোচ্চ ৫ (পাঁচ) বছর, যা কম হবে, ভিসার মেয়াদ বৃদ্ধি করতে পারবে।
২২	<b>FP</b>	<b>P</b> শ্রেণীতে আগতের Spouse ও পরিবারের নির্ভরশীল অন্যান্য সদস্য	<b>P</b> শ্রেণীতে আগতের সাথে অবস্থানের জন্য সফরসঙ্গী হইলে বা পরবর্তীতে আগমন করিলে	ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ উক্ত শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ উক্ত শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
২৩	<b>PI</b>	বে-সরকারী খাতে যৌথ উদ্যোগ বা সম্পূর্ণ বিদেশী বিনিয়োগে স্থাপিত/ স্থাপিতব্য শিল্প / বাণিজ্যিক প্রতিষ্ঠানে বিদেশী পুঁজি বিনিয়োগকারী	বিনিয়োগ/স্থাপিত ব্যবসা/ বাণিজ্যিক প্রতিষ্ঠান পরিচালনা	(ক) বাংলাদেশের বে-সরকারী খাতে এককভাবে বা যৌথ উদ্যোগে বা সম্পূর্ণ বিদেশী বিনিয়োগে স্থাপিত শিল্প/বাণিজ্যিক প্রতিষ্ঠানে ভিসা প্রার্থী একজন প্রকৃত বিনিয়োগকারী মর্মে বিনিয়োগ বোর্ড (BOI) / বাংলাদেশ রপ্তানী প্রক্রিয়াকরণ এলাকা কর্তৃপক্ষ (BEPZA) (প্রযোজ্য ক্ষেত্রে) এর প্রত্যয়নের ভিত্তিতে সংশ্লিষ্ট ভিসা প্রদানকারী কর্তৃপক্ষ বহুভ্রমণ সুবিধাসহ সর্বোচ্চ ০১ (এক) বৎসর ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে বিনিয়োগের স্বপক্ষে কাগজপত্রসহ সংশ্লিষ্ট প্রতিষ্ঠানের সুপারিশ ও বিনিয়োগ অব্যাহত আছে এমর্মে BOI / BEPZA এর প্রত্যয়নপত্র এবং নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর সর্বোচ্চ ৫ (পাঁচ) বৎসরের বহুভ্রমণ ভিসা প্রদান করিতে পারিবে। তবে বিনিয়োগকারী তাঁর প্রতিষ্ঠানে কর্মরত হইলে কর্মনুমতির প্রয়োজন হইবে। (গ) বাংলাদেশে কোন ভারী শিল্পে অথবা দীর্ঘ মেয়াদে কোন শিল্পে/ ব্যবসায় কমপক্ষে ০৫(পাঁচ) মিলিয়ন মার্কিন ডলার বিনিয়োগ করেছেন মর্মে বিনিয়োগ বোর্ড/ বেপজা কর্তৃক প্রত্যয়ন পত্র ও নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর উক্ত বিদেশী বিনিয়োগকারীকে “No Visa Required (NVR)” এর সুবিধা প্রদান করিবে।



ক্র: নং	ভিসা শ্রেণী	কে/কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
২৪	<b>FPI</b>	<b>PI</b> শ্রেণীতে আগতের Spouse ও পরিবারের নির্ভরশীল অন্যান্য সদস্য	<b>PI</b> শ্রেণীতে আগতের সফরসঙ্গী হইলে বা পরবর্তীতে আগমন করিলে	(ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ <b>PI</b> শ্রেণীতে আগতের সমমেয়াদী ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ <b>PI</b> শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
২৫	<b>R</b>	সরকার অনুমোদিত যেকোন সংস্থা/ প্রতিষ্ঠানে গবেষণা/ প্রশিক্ষণ/ ইন্টার্নশীপ-এ অংশ গ্রহণকারী	গবেষণা/ প্রশিক্ষণ/ ইন্টার্নশীপ ইত্যাদি	(ক) সংশ্লিষ্ট প্রতিষ্ঠানের সুপারিশ এবং সংশ্লিষ্ট মন্ত্রণালয়ের সম্মতির ভিত্তিতে ভিসা প্রদানকারী কর্তৃপক্ষ বহুভ্রমণসহ সর্বোচ্চ ৩ (তিন) মাসের ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে বহিরাগমন ও পাসপোর্ট অধিদপ্তর সংশ্লিষ্ট মন্ত্রণালয়/ প্রতিষ্ঠানের সুপারিশ ও পুলিশের বিশেষ শাখা এবং জাতীয় নিরাপত্তা গোয়েন্দা অধিদপ্তরের অনুকূলে প্রতিবেদনের ভিত্তিতে কার্যক্রমের মেয়াদকাল অথবা ৩ (তিন) বছর, যাহা কম হবে, পর্যন্ত বহুভ্রমণ ভিসা প্রদান করিতে পারবে।
২৬	<b>FR</b>	<b>R</b> শ্রেণীতে আগতের Spouse ও পরিবারের নির্ভরশীল অন্যান্য সদস্য	<b>R</b> শ্রেণীতে আগতের সফরসঙ্গী হইলে বা পরবর্তীতে আগমন করলে	(ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ <b>R</b> শ্রেণীতে আগতের সমমেয়াদী ভিসা প্রদান বৃদ্ধি করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ <b>এই</b> শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
২৭	<b>S</b>	সরকারের অনুমোদন প্রাপ্ত শিক্ষা প্রতিষ্ঠানে অধ্যয়নরত/ গবেষণারত/ ভর্তিচ্ছু ছাত্র/ছাত্রী/ গবেষক	অধ্যয়ন/গবেষণা	(ক) বাংলাদেশে অবস্থিত সরকার অনুমোদিত কোন শিক্ষা প্রতিষ্ঠানে ভর্তি হয়েছে অথবা ভর্তি হবে মর্মে প্রামাণিক কাগজ পত্র, স্পনসরশীপ ও ব্যাংক গ্যারান্টি পরীক্ষান্তে ভিসা প্রদানকারী কর্তৃপক্ষ সংশ্লিষ্ট ছাত্র/ ছাত্রীকে প্রাথমিকভাবে সর্বোচ্চ ০১ (এক) বছরের বহুভ্রমণ ভিসা প্রদান করিতে পারিবে। (খ) ভিসার মেয়াদ বৃদ্ধির ক্ষেত্রে সংশ্লিষ্ট শিক্ষা প্রতিষ্ঠানের সুপারিশ, স্পনসরশীপ, এদেশে চাকুরীরত নয় মর্মে প্রতিষ্ঠানের প্রত্যয়নপত্র এবং পুলিশ বিশেষ শাখার অনুকূল প্রতিবেদনের ভিত্তিতে শিক্ষাক্রম/ইন্টার্নশীপের পূর্ণকালীন মেয়াদে বহিরাগমন ও পাসপোর্ট অধিদপ্তর বহুভ্রমণ ভিসা প্রদান করিতে পারিবে।

ক্র: নং	ভিসা শ্রেণী	কে /কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
২৮	<b>FS</b>	<b>S</b> শ্রেণীতে আগতের Spouse ও নির্ভরশীল সন্তান	<b>S</b> শ্রেণীতে আগতের সফরসঙ্গী হইলে বা পরবর্তীতে আগমন করিলে	ক) Spouse ও পরিবারের নির্ভরশীল সদস্য এমর্মে প্রয়োজনীয় কাগজপত্র পরীক্ষান্তে সংশ্লিষ্ট ভিসা প্রদানকারী কর্তৃপক্ষ উক্ত শ্রেণীতে আগতের সমমেয়াদী ভিসা প্রদান করিতে পারিবে। খ) ভিসার মেয়াদ বৃদ্ধির ক্ষেত্রে সংশ্লিষ্ট প্রতিষ্ঠানের সুপারিশ ও পুলিশ বিশেষ শাখার অনুকূল প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণসহ উক্ত শ্রেণীতে আগতের সমমেয়াদে ভিসার মেয়াদ বৃদ্ধি করিতে পারিবে।
২৯	<b>T</b>	(ক) বাংলাদেশের সাথে কূটনৈতিক সম্পর্ক আছে এরূপ দেশের যে কোন ব্যক্তি (খ) বেসরকারী পর্যায়ে আয়োজিত সেমিনার/কর্মশালা/ শিক্ষাসফরে আগত ব্যক্তি	ভ্রমণ/ পর্যটন/ আত্মীয়-স্বজনের সাথে সাক্ষাৎ/ ধর্মীয় কারণ/ বেসরকারী সেমিনার/ কর্মশালা/ শিক্ষা সফর ইত্যাদি	ক) সংশ্লিষ্ট ভিসা প্রদানকারী কর্তৃপক্ষ সর্বোচ্চ ০২(দুই) মাসের ভিসা প্রদান করিতে পারিবে। খ) ভিসার মেয়াদ বৃদ্ধির প্রয়োজন হলে অনুকূল পুলিশ প্রতিবেদনের ভিত্তিতে বহিরাগমন ও পাসপোর্ট অধিদপ্তর ০১(এক) মাস পর্যন্ত ভিসার মেয়াদ বৃদ্ধি করিতে পারিবে।
৩০	<b>T1</b>	তাবলীগ জামাতে অংশ গ্রহণের জন্য আগত ব্যক্তি	ধর্মীয় কারণ	(ক) তাবলীগ জামাতে আগতদের ক্ষেত্রে সংশ্লিষ্ট দেশের কেন্দ্রীয় তাবলীগ মারকাজের/তাবলীগ জামাতের সুপারিশ বিবেচনা করে সংশ্লিষ্ট ভিসা প্রদানকারী কর্তৃপক্ষ কোন ভ্রমণ সুবিধা ব্যতীত সর্বোচ্চ ১৩০ (একশত ত্রিশ) দিনের ভিসা প্রদান করিতে পারিবে। (খ) ভিসার মেয়াদ বৃদ্ধির প্রয়োজন হলে বাংলাদেশস্থ তাবলীগ মারকাজ/কেন্দ্রীয় তাবলীগ জামাতের সুপারিশ ও পুলিশ প্রতিবেদনের ভিত্তিতে বহিরাগমন ও পাসপোর্ট অধিদপ্তর কোন ভ্রমণ সুবিধা ব্যতীত আগমনের তারিখ হতে সর্বোচ্চ ১৫০ (একশত পঞ্চাশ) দিন পর্যন্ত ভিসার মেয়াদ বৃদ্ধি করিতে পারিবে।
৩১	<b>TF</b>	(ক) বাংলাদেশী নাগরিকের বিদেশী Spouse ও সন্তান (খ) বাংলাদেশী বংশোদ্ভূত বিদেশী নাগরিক এবং তাঁর Spouse ও সন্তান	বাংলাদেশে অবস্থান ও ভ্রমণ	(ক) বাংলাদেশী নাগরিকের বাংলাদেশী নাগরিকত্ব প্রমানপত্র এবং বাংলাদেশী নাগরিক কর্তৃক Spouse / সন্তান সম্পর্কে প্রদত্ত হলফনামা এবং বিবাহ সনদের ভিত্তিতে সংশ্লিষ্ট ভিসা প্রদানকারী কর্তৃপক্ষ বাংলাদেশী নাগরিকের বিদেশী স্ত্রী/স্বামী ও সন্তানকে বহুভ্রমণ সুবিধায় সর্বোচ্চ ১ (এক) বছরের ভিসা প্রদান করিতে পারিবে। (খ) অনুকূল পুলিশ প্রতিবেদনের ভিত্তিতে বহিরাগমন ও পাসপোর্ট অধিদপ্তর বহুভ্রমণ সুবিধায় সর্বোচ্চ ৫ (পাঁচ) বছর পর্যন্ত ভিসার মেয়াদ বৃদ্ধি করিতে পারিবে।
৩২	<b>TR</b>	ট্রানজিট	ট্রানজিট	তৃতীয় কোন দেশে কর্মরত মর্মে নিয়োগকারী কর্তৃপক্ষের সুপারিশ ও নিশ্চিত টিকিটের ভিত্তিতে নিজ সঙ্গৃহীতক্রমে নিয়োগকালীন মেয়াদ বা সর্বোচ্চ ৫ (পাঁচ) বৎসর, যাহা কম হইবে, বহু ভ্রমণ ট্রানজিট ভিসা প্রদান করিতে পারিবে। তবে এই ভিসার ক্ষেত্রে প্রতি দফায় অবস্থানের মেয়াদ সর্বোচ্চ ৭২ (বাহাত্তর)

ক্র: নং	ভিসা শ্রেণী	কে/কারা পাওয়ার যোগ্য	আগমন/ ভ্রমণ এর উদ্দেশ্য	ভিসা ইস্যু/ ভিসার মেয়াদ বৃদ্ধিকারী কর্তৃপক্ষ এবং ভিসা প্রদানের শর্তাবলী
				ঘন্টায় সীমিত থাকিবে।
৩৩	W	Work and Holiday, Development ও Volunteers programme এবং এ জাতীয় দ্বিপাক্ষিক/বহুপাক্ষিক চুক্তির আওতায় আগত এবং তাঁদের Spouse ও নির্ভরশীল সন্তান	চুক্তির আওতায়	চুক্তির শর্তাবলী অনুযায়ী সংশ্লিষ্ট ভিসা প্রদানকারী কর্তৃপক্ষ বহুভ্রমণ সুবিধায় চুক্তির পূর্ণ মেয়াদে ভিসা প্রদান করিতে পারিবে। চুক্তিতে ভিসার মেয়াদ উল্লেখ না থাকিলে চুক্তির শর্ত ও সংশ্লিষ্ট দেশের যথাযথ কর্তৃপক্ষের সুপারিশ অনুযায়ী এক বৎসরের বহুভ্রমণ ভিসা প্রদান করা যাইবে। ভিসার মেয়াদ বৃদ্ধির প্রয়োজন হলে যথাযথ কর্তৃপক্ষের সুপারিশ ও নিরাপত্তা ছাড়পত্রের ভিত্তিতে বহিরাগমন ও পাসপোর্ট অধিদপ্তর বহুভ্রমণ সুবিধায় প্রয়োজনীয় মেয়াদে ভিসার মেয়াদ বৃদ্ধি করিতে পারিবে।

### অবশ্যপালনীয় শর্তাবলী :

- ১। ভিসা প্রদানকারী কর্তৃপক্ষ বলতে স্বরাষ্ট্র মন্ত্রণালয়, বহিরাগমন ও পাসপোর্ট অধিদপ্তর, বিদেশস্থ বাংলাদেশ দূতাবাস/মিশন এবং প্রযোজ্য ক্ষেত্রে পররাষ্ট্র মন্ত্রণালয়কে বুঝাবে।
- ২। সংশ্লিষ্ট ভিসা প্রদানকারী কর্তৃপক্ষ সকল ক্ষেত্রে প্রয়োজনীয় কাগজপত্র পরীক্ষান্তে সম্পূর্ণ সন্তুষ্টিক্রমে তা যথাযথভাবে লিপিবদ্ধ করতঃ নিজ দায়িত্বে ভিসা প্রদান করবে। তবে প্রয়োজনবোধে ভিসা প্রদানের ক্ষেত্রে স্বরাষ্ট্র মন্ত্রণালয়ের অনুমোদন গ্রহণ করতে হবে।
- ৩। যে সব দেশ/ সংস্থার সংগে ভিসা চুক্তি রয়েছে সেসব দেশের ক্ষেত্রে ভিসা প্রদান পদ্ধতি চুক্তি অনুসারে এবং অন্যান্য দেশের ক্ষেত্রে রেসিপ্রোসিটি নীতি অনুসরণ করা হবে। অর্থাৎ নীতিমালা জারীর পূর্বে যে সকল দেশের সাথে রেসিপ্রোসিটি নীতি অনুযায়ী ভিসা প্রদান করা হত তা অপরিবর্তিত থাকবে এবং এ নীতি অনুযায়ী আমেরিকানসহ অন্যান্য দেশের নাগরিকদের ভিসা প্রদান অব্যাহত থাকবে।
- ৪। A-2 শ্রেণীতে জাতিসংঘ ও তাঁর অঙ্গসংগঠন বলতে WHO, UNDP, FAO, UNFPA, ILO, UNICEF, UNESCO, IMF, WORLD BANK, WFP, IDB ইত্যাদি এবং আন্তর্জাতিক ও আঞ্চলিক সংস্থা বলতে USAID, JICA, JBIC, DFID, CIDA, SIDA, DANIDA, PEACE CORPS, NORAD, FINNIDA, ICDDR, ADB, RED CROSS/RED CRESENT এবং সমশ্রেণীর অন্যান্য সংস্থাকে বুঝাবে।
- ৫। ভিসা প্রদানকারী কর্তৃপক্ষ ভিসা প্রদানের সময় বর্ণিত শ্রেণী বিন্যাস অনুযায়ী ভিসার শ্রেণী ও নম্বর উল্লেখ করবে। যেমন, Visa No Cons/49( E)/06 (প্রযোজ্য শ্রেণী বিন্যাসের চিহ্ন E ) তারিখ- ৩১ জানুয়ারী ২০০৫ইং (Day/Month/Year)। তবে কম্পিউটার প্রোগ্রামভিত্তিক ভিসা ইস্যু পদ্ধতি শুরু হলে প্রোগ্রাম কোড অনুযায়ী ভিসা নম্বর উল্লেখ করতে হবে।
- ৬। ভিসা প্রদানকারী কর্তৃপক্ষকে (সংশ্লিষ্ট দূতাবাস) ভিসা প্রদানের সময় পাসপোর্টে নিম্নবর্ণিত শর্তসমূহ উল্লেখ করতে হবেঃ
  - (ক) A1, FA2, FA3, B, C, FE, FJ, M, FM, FN, FP, FPI, R, FR, S, FS, T, TF ,T1 শ্রেণীর ভিসা প্রদানকালে ভিসা প্রার্থীর পাসপোর্টে “Employment in Bangladesh paid or unpaid prohibited” সীল প্রদান করতে হবে।
  - (খ) চাকুরী/কাজ করার উদ্দেশ্যে আগতদের ভিসা প্রদানের সময় “Please apply for work permit to BOI/BEPZA/NGO Affairs Bureau within 15 days of first entry into Bangladesh” সীল প্রদান করতে হবে।

- ৭। পাকিস্তান ও ভারত ব্যাতিত অন্যান্য দেশ হইতে আগতদের রেজিস্ট্রেশন হইতে অব্যাহতি দিতে হইবে। উক্ত দেশসমূহ হইতে আগতদের ৯০ দিন বা ৯০ দিনের অধিক ভিসা নিয়ে বিমানযোগে বাংলাদেশে আগমন করিলে তাহাদের Special Branch (SB)/District Special Branch (DSB)/ City Special Branch (CSB) of Bangladesh Police এর কার্যালয়ের পরিবর্তে বিমান বন্দরসমূহে রেজিস্ট্রেশন সম্পন্ন করিতে হইবে। স্থল বন্দর দিয়ে আগতদের নিকটস্থ DSB/CSB হইতে রেজিস্ট্রেশন সম্পন্ন করিতে হইবে।
- ৮। পাকিস্তান ও ভারত হতে ৯০ দিনের কম মেয়াদে ভিসা নিয়ে আগতদের ভিসার মেয়াদ বৃদ্ধির সময় বহিরাগমন ও পাসপোর্ট অধিদপ্তর “Please report to respective SB/DSB/CSB office within 7 days of extension visa” সম্পর্কিত সীল প্রদান নিশ্চিত করিবে।
- ৯। কার্যানুমতি প্রাপ্তির পর নিরাপত্তা ছাড়পত্র প্রদান প্রক্রিয়াধীন আছে মর্মে স্বরাষ্ট্র মন্ত্রণালয়ের প্রত্যয়নের ভিত্তিতে মহা-পরিচালক, বহিরাগমন ও পাসপোর্ট অধিদপ্তর নিজ সন্তুষ্টিক্রমে কার্যানুমতির মেয়াদে অথবা ৬ (ছয়) মাস মেয়াদে (যা কম হবে) বহু ভ্রমণসহ ভিসার মেয়াদ বৃদ্ধি করতে পারবে। তবে বিরূপ প্রতিবেদন পাওয়া গেলে ভিসা বাতিল পূর্বক দেশ ত্যাগের নির্দেশ দিতে হবে।
- ১০। যে সকল ভিসা প্রার্থীর কার্যানুমতি এবং/ অথবা নিরাপত্তা ছাড়পত্র প্রক্রিয়াধীন আছে তাঁদের ক্ষেত্রে বহিরাগমন ও পাসপোর্ট অধিদপ্তর নিজ সন্তুষ্টিক্রমে প্রয়োজনে পুনঃ প্রবেশ সুবিধাসহ সর্বোচ্চ ৩ (তিন) মাস পর্যন্ত ভিসার মেয়াদ বৃদ্ধি করতে পারবে।
- ১১। ভিসার মেয়াদ উত্তীর্ণের পূর্বে মেয়াদ বৃদ্ধির আবেদন করতে হবে। ভিসার মেয়াদ উত্তীর্ণের পরে আবেদন করলে অতিবাসের (over-stay) জন্য জরিমানা আরোপযোগ্য হবে।
- ১২। কোন বিদেশী বাংলাদেশে প্রবেশের পর ভিসা শ্রেণী পরিবর্তন করতে পারবে না। তবে ভিসা প্রদানকারী কর্তৃপক্ষ অসাধনতাবশতঃ ভুল শ্রেণীর ভিসা প্রদান করলে তার উপযুক্ত প্রমাণ যাচাই সাপেক্ষে বহিরাগমন ও পাসপোর্ট অধিদপ্তর বিনা ফিতে শ্রেণী পরিবর্তন করতে পারবে।
- ১৩। পুরাতন পাসপোর্টের বৈধ ভিসা নতুন পাসপোর্টে স্থানান্তর করা যাবে।
- ১৪। নীতিমালায় বর্ণিত কোন শর্ত শিথিলের অথবা নীতিমালায় বর্ণিত সর্বোচ্চ মেয়াদের অতিরিক্ত ভিসার মেয়াদ বৃদ্ধির প্রয়োজন হলে তা স্বরাষ্ট্র মন্ত্রণালয়ের অনুমোদনের জন্য প্রেরণ করতে হবে।
- ১৫। এই নীতিমালার যে কোন বিষয়ের উপর মতামত/স্পষ্টিকরণ/নির্দেশনা প্রয়োজন হলে তাতে স্বরাষ্ট্র মন্ত্রণালয়ের অনুশাসন প্রযোজ্য হবে।
- ১৬। নীতিমালায় উল্লেখিত ক্যাটাগরি ব্যতীত অন্য কোন ক্যাটাগরিতে ভিসা প্রদান করা যাবে না। তবে এরূপ অবস্থা যদি সৃষ্টি হয় যে, ভিসা প্রার্থীকে নীতিমালায় উল্লেখিত কোন ক্যাটাগরির ভিসা প্রদান করা যাচ্ছে না সে ক্ষেত্রে তাকে ‘টি’ শ্রেণীতে ভিসা প্রদান করা যাবে।
- ১৭। স্বল্প মেয়াদী (তিন মাসের কম) ভিসার মেয়াদ বৃদ্ধির ক্ষেত্রে পুলিশ প্রতিবেদনের প্রয়োজন হলে পুলিশের বিশেষ শাখা ১৪ (চৌদ্দ) দিনের মধ্যে প্রতিবেদন দিবে এবং অন্যান্য ক্ষেত্রে ৩০ (ত্রিশ) দিনের মধ্যে প্রতিবেদন দিবে। যদি নির্ধারিত সময়ের মধ্যে পুলিশ প্রতিবেদন পাওয়া না যায় তবে ৭ (সাত) দিনের সময় দিয়ে তাগিদ দিতে হবে। উক্ত সময়সীমা অতিবাহিত হলে ভিসা প্রদানে পুলিশের বিশেষ শাখার কোন আপত্তি নেই মর্মে গণ্য করে বহিরাগমন ও পাসপোর্ট অধিদপ্তর নিজ সন্তুষ্টিক্রমে ও নিজ দায়িত্বে ভিসার মেয়াদ বৃদ্ধি করবে।
- ১৮। পুলিশ বিশেষ শাখার প্রতিবেদন আবেদন প্রাপ্তির ১৫ কার্যদিবসের মধ্যে মতামত প্রদান করবে। উক্ত সময়ের মধ্যে মতামত পাওয়া না গেলে আরও ৭(সাত) কার্য দিবস পর্যন্ত সময় বৃদ্ধি করা যাবে। তবে বর্ধিত সময়ের মধ্যেও মতামত পাওয়া না গেলে কোন আপত্তি নেই মর্মে ধরে নেয়া হবে। ভিসা প্রার্থীর ভ্রমণের যথার্থতা বিবেচনা করে আবেদনপত্র দাখিলের সময়ে প্রয়োজনে স্বল্প মেয়াদে (অনুর্ধ্ব তিন মাস) ভিসা প্রদান করতে পারবে। তবে ১৫(পনের) বৎসরের কম বয়সী সন্তানদের ক্ষেত্রে পুলিশ বিশেষ শাখার মতামত গ্রহণ করা প্রয়োজন হবে না।

- ১৯। সামরিক বাহিনীতে কর্মরত সামরিক/বেসামরিক বিদেশী ব্যক্তিবর্গ এবং সামরিক বাহিনীতে প্রশিক্ষণে আগত ব্যক্তিবর্গের কার্যানুমতি ও নিরাপত্তা ছাড়পত্র বলতে বাংলাদেশ সশস্ত্র বাহিনী বিভাগ (AFD) এর সুপারিশপত্র বুঝাবে। সংশ্লিষ্ট বাংলাদেশ দূতাবাস/ মিশন সশস্ত্র বাহিনী বিভাগ (AFD) এর সুপারিশক্রমে এ সকল ব্যক্তিবর্গ এবং তাদের পারিবারিক নির্ভরশীল সদস্যদেরকে প্রশিক্ষণ/কর্মের পূর্ণ নিয়োগকালসহ অতিরিক্ত ১(এক) মাস পর্যন্ত বহুভ্রমণ সুবিধায় ভিসা প্রদান করতে পারবে।
- ২০। নিয়োগকারী প্রতিনিধি ব্যবসায়িক কাজে স্বল্প মেয়াদে বাংলাদেশে আগমন করতে চাইলে তাকে B শ্রেণীতে বর্ণিত শর্তাবলির আলোকে এবং চাকুরী নিয়ে বিনিয়োগকারী প্রতিষ্ঠানে যোগদানের উদ্দেশ্যে ভ্রমণ করতে চাইলে তাকে E শ্রেণীতে বর্ণিত শর্তাবলির আলোকে ভিসা প্রদান ও মেয়াদ বৃদ্ধি করা যাবে।
- ২১। ভিন্নরূপ কারণ ব্যতীত Spouse বা নির্ভরশীল/ সফরসঙ্গী সমমেয়াদী ভিসা প্রদানের ক্ষেত্রে মূল ভিসা গ্রহণকারীর অনুরূপ সুবিধা (যেমন ভ্রমণের সংখ্যা) প্রাপ্ত হবেন।
- ২২। বিদ্যমান নীতিমালা অনুযায়ী প্রযোজ্য ক্ষেত্রে আগমনকারী বিদেশীদের পুলিশের বিশেষ শাখায় রেজিস্ট্রেশন করতে হবে।
- ২৩। ভিসা সংক্রান্ত যে কোন বিষয়ে যুগ্মসচিব (রাজনৈতিক), স্বরাষ্ট্র মন্ত্রণালয় Focal Point হিসাবে কাজ করবে।